

**«Հայաստանի Հանրապետության կառավարության
2011 թվականի փետրվարի 17-ի N 174-Ն որոշման
մեջ փոփոխություններ և լրացումներ կատարելու
մասին» ՀՀ կառավարության որոշման նախագիծ**

Նախագիծ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

ՈՐՈՇՈՒՄ

‘ ‘ ----- 2024 թվականի N -Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2011 ԹՎԱԿԱՆԻ ՓԵՏՐՎԱՐԻ
17-Ի N 174-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ
ՄԱՍԻՆ

Ղեկավարվելով «Նորմատիվ իրավական ակտերի մասին» օրենքի 33-րդ և 34-րդ հոդվածների 1-ին մասերով՝ Հայաստանի Հանրապետության կառավարությունը որոշում է.

1. Հայաստանի Հանրապետության կառավարության 2011 թվականի փետրվարի 17-ի «Ինտերնետով հրապարակային ծանուցման ներկայացման և կայքը վարող անձին փոխանցման, կայքում հրապարակային ծանուցումների տեղադրման ու տեղեկատվության արխիվացման ժամկետների սահմանման կարգը և ինտերնետով հրապարակային ծանուցման ենթակա հայտարարության էլեկտրոնային ձեւաչափը հաստատելու մասին» N 174-Ն որոշման (այսուհետ՝ որոշում) մեջ կատարել հետևյալ փոփոխությունները և լրացումները.

1) որոշման 1-ին կետի 1-ին ենթակետով հաստատված հավելված 1-ում՝

ա. 15-րդ կետում «ձևաչափի» բառը փոխարինել «Ձև 2-ի» բառերով,

բ. 3-րդ գլխից հետո լրացնել 4-րդ գլուխ՝ հետևյալ բովանդակությամբ.

«IV. ԱՆՀԱՏԻ ԽԻՍՏ ՆՈՒՅՆԱԿԱՆԱՑՄԱՆ ԾՐԱԳՐԱՅԻՆ ԳՈՐԾԻՔՆԵՐԻ
ԿԻՐԱՌՄԱՄԲ ԵՎ ԷԼԵԿՏՐՈՆԱՅԻՆ ԹՎԱՅԻՆ ՍՏՈՐԱԳՐՈՒԹՅԱՄԲ ՀՐԱՊԱՐԱԿԱՅԻՆ
ԾԱՆՈՒՑՄԱՆ ՀՐԱՊԱՐԱԿՄԱՆ ԸՆԹԱՑԱԿԱՐԳԸ

21. 21. Հայաստանի Հանրապետության կառավարության 2017 թվականի մայիսի 25-ի N 572-Ն որոշմամբ սահմանված կարգով անհատի խիստ նույնականացման ծրագրային գործիքների կիրառմամբ հրապարակող անձը մուտք է գործում կայք, լրացնում է անհրաժեշտ տեղեկատվական դաշտերը՝ անհրաժեշտության դեպքում կցելով նաև այլ տեղեկատվություն:
22. Հրապարակող անձը պետք է ընտրի «Ուղարկել ծանուցում» բաժինը և համապատասխան դաշտում նշի «Հրապարակային անհատական ծանուցում» տեսակը, եթե հրապարակվող հայտարարությունը վերաբերվում է ֆիզիկական կամ իրավաբանական անձին, որին արդեն ուղարկվել է նույն բովանդակությամբ անհատական ծանուցում, որի դեպքում հրապարակային ծանուցման տեքստը պետք է պարունակի անհատական ծանուցման առնվազն ողջ բովանդակությունը՝ առանց փոփոխությունների:
23. Հրապարակային ծանուցումը հանձնելիս՝ հրապարակային ծանուցում հրապարակող անձին տրվում է հրապարակային ծանուցման նույնականացման համար:
24. Սույն կարգի 21-րդ կետին համապատասխան Էլեկտրոնային ձևաչափով ներկայացված հայտարարությունը՝ համաձայն Ձև 1-ի, փոխանցվում է կայքը վարող աշխատողին, ով ստուգում է Էլեկտրոնային թվային ստորագրության վավերականությունը, ինչպես նաև համապատասխանությունը Ձև 1-ի պահանջներին և երկու աշխատանքային օրվա ընթացքում հայտարարությունը տեղադրում է կայքի համապատասխան բաժնում: Եթե «Ուղարկել ծանուցում» բաժնում համապատասխան դաշտում նշվել է «Հրապարակային անհատական ծանուցում» տեսակը, ապա հայտարարությունը ուղարկվում է տվյալ անձի պաշտոնական Էլեկտրոնային փոստին և ինքնաշխատ կերպով տեղադրվում է կայքի համապատասխան բաժնում:
25. Սույն կարգի 21-րդ կետին համապատասխան ներկայացված հայտարարությունը համարվում է ներկայացված՝ կայքի «Իմ հայտարարությունները» բաժնում տվյալ նույնականացման համար ունեցող ծանուցման տողում «Հաստատված է» պիտակի առկայության դեպքում: Կայքը տրամադրում է նաև ինքնաշխատ գեներացվող անդորրագիր:
26. Հայտարարությունը հրապարակային ծանուցում հրապարակող անձի կողմից չեղարկվելու համար կայքի «Իմ հայտարարությունները» բաժնում տվյալ նույնականացման համար ունեցող ծանուցման տողում ընտրվում է չեղարկել հրահանգը՝ նշելով պատճառը:
27. Հայտարարությունը համարվում է չեղարկված՝ կայքի «Իմ հայտարարությունները» բաժնում տվյալ նույնականացման համար ունեցող ծանուցման տողում «Չեղարկված է» պիտակի առկայության դեպքում: Կայքը տրամադրում է նաև ինքնաշխատ գեներացվող անդորրագիր:

28. Այն դեպքերում, երբ Հայաստանի Հանրապետության պաշտպանության նախարարությունը սույն կարգի 21-րդ կետին համապատասխան ներկայացնում է հայտարարություն՝ այն դիտելու համար անհրաժեշտ է կայքի համապատասխան բաժնում մուտքագրել ծանուցվող ֆիզիկական անձի անձը հաստատող փաստաթղթի (անձնագիր կամ նույնականացման քարտ) համարը կամ վարորդական վկայականի համարը և հանրային ծառայությունների համարանիշը, ինչպես նաև հաստատել բջջային հեռախոսահամարը:
29. Հայաստանի Հանրապետության պաշտպանության նախարարության կողմից սույն կարգի համաձայն հրապարակված հայտարարությունները ենթակա չեն բաժանորդագրության: Դրանք չեն ցուցադրվում նաև որոնման արդյունքներում:»

գ. լրացնել Ձև 1՝ հետևյալ բովանդակությամբ.

«Ձև N 1

«ՀՐԱՊԱՐԱԿԱՅԻՆ ԱՆՀԱՏԱԿԱՆ ԾԱՆՈՒԹՈՒՄ» ՏԵՍԱԿԻ ՀԱՅՏԱՐԱՐՈՒԹՅԱՆ ՖՈՐՄԱՏ

Հայտատուի տվյալները (լրացվում է ինքնաշխատ կայքի կողմից՝ դեպքում՝ լրիվ անվանումը և ՀՎՀՀ: կայք մուտք գործելիս և դեր ընտրելիս) Հայտարարության իրավական հիմքը	Ֆիզիկական անձի անունը, ազգանունը և ՀԾՀ տեղական ինքնակառավարման մարմնի և իր անվանումը: Այն իրավական ակտը, որով սահմանված է հայտարարության ներկայացնելու պահանջը:
Ծանուցման վերնագիրը	Պետք է պարունակի իրավական ակտով սահմանված անվանումը:
Ծանուցման տեքստը	Ներկայացվում է իրավական ակտով նախատեսված բովանդակությունը, իսկ եթե հայտարարության գերազանցում է 1000 նիշը, ապա այս տողում լրացվում է հայտարարության համառոտ բովանդակությունը: Հայտարարության ամբողջական տեքստը ներկայացվում է տեսքով՝ PDF ձևաչափով:
Հայտարարության արդիականության ժամկետը Հայտարարությունը տալու իրավասություն ունեցող անձի տվյալները	Սահմանում է հայտարարությունը ներկայացնող անձի տվյալները: Հայտարարությունը տալու իրավասություն ունեցող անձի տվյալները:

».

2) որոշման 1-ին կետի 2-րդ ենթակետով հաստատված հավելված 2-ում՝

ա. 1-ին կետում «ձևաչափին» բառը փոխարինել «Ձև 2-ին» բառերով,

բ. 2-րդ կետում «ձևի» բառը փոխարինել «Ձև 2-ի» բառերով,

գ. 5-րդ կետից հետո «Ձև» բառը փոխարինել «Ձև 2» բառերով:

2. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՎԱՐՉԱՊԵՏ ԵՆ ՓԱՇԻՆՅԱՆ

ք. Երևան 2024թ.